

մական տեղեկութիւններն էլ գալիս են հաստատելու այս բնական սահմանգծի՝ քաղաքականի հետ նոյն եւ մի լինելը: Փարպեցին յիշում է Գիւղիկ եւ Վարդաշէն» եւ այլն:

Այս է պ. Սաչատրեանի աշխարհատեսութեան արդիւնքը:

* * *

Այժմ թող խօսի մեր հասակաւոր գիրքը, որ քննադատում է եւ ուր մանրամասն որոշում է բիւզանդական եւ սլաւոնական Հայաստանի սահմանագիծը սկսած Նիքիէրտից մինչեւ Ճորոխի հովիտը:

Ահա ինչ է ասուած մեզ զբաղեցնող աշխարհամասի վերաբերեալ.

«Թէոդոսիոպոլիս չըջանում եւ այն կողմը սահմանագիծը անցնում էր այն լեռնաշղթայի վերայից, որ երկարում է Թէոդոսիոպոլիսից մինչեւ Ճորոխ գետը — էրզրումի աջ կողմից բարձրանում են դէպի հիւսիս նախ Դեվէ Բոյունու լեռները, ապա Ղարդաբաղար, որ վերջանում է Կանդիլ գագաթով եւ այստեղից չըջում է դէպի արեւմուտք եւ միանում Դումլու շղթային: Դումլու ձգւում է էրզրումի վերեւից եւ շարունակւում է, ուղղուելով դէպի Ճորոխի ափերը Սպերից բարձր: Սոյն այս գրծին յարում էին սլաւոնից կողմից Բասեան եւ Տայոց աշխարհի Բուխա եւ Ոքազ գաւառները, սրանց դէմ ու դէմ հոռոմ բաժնում էր Կարին եւ Շաղազոմ»:

Այնուհետեւ բերում նոյն պատմական ցուցումները, Դու, Մկնառիճ, Գիւղիկ, Վարդաշէն, Ծաղիկ գիւղերի վերաբերեալ, սահմանագիծը պատմականօրէն եւս հիմնաւորելու: (Տե՛ս էջ 22-23, Հայաստանը Յուստինիանի դարում):

Ի՛նչ զանազանութիւն կայ այս տողերի եւ պ. Սաչատրեանի նկարագրութեան մէջ: Եւ ոչ մի, թէեւ մէկը գրուած է քսան տարի առաջ «առանց երկիրը տեսած լինելու», իսկ միւսը պատկանում է երկրատես մարդու: Միակ տարբերութիւնը այն է, որ պ. Սաչատրեան չէ տալիս Դումլի լեռան անունը, այլ ծանրանում է նրա արեւմտեան փէշերի վրայ, որ անջատում են Ճորոխի ափունքը Սեբասից եւ սահմանագծի հետ առնչութիւն չունին:

Իրաւունք ունէինք յուսալու, որ Կուշ-Կուշլար լեռների մշտական այցելուն, որ Սանա-

սարեան վարժարանի սաներին անգամ տանում էր հետը «Հայրենագիտութեան ծանօթութիւններ ստանալու», դէ՛ք մի հատիկ ծաղիկ բերէր հայ բանասիրութեան այդ լեռների բարձունքից:

Բայց եւ այնպէս պ. Սաչատրեան ներկայացնում է իր տեղագրական նկարագրութիւնը որպէս նորութիւն եւ այդ նկարագրութիւնից հետեւցնում է, որ «Փառանգիոն եւ Բոլոն բերդերը պէտք է փնտռել Թորթում գետի աւաղանում», փնտռում եւ գտնում է, որ Վիսիկ գետակի հովտում կան Բարդոզոս եւ Բալուլ գիւղերը եւ խորիմաստ հարց է տալիս. «Արդեօ՞ք կարելի չէ այդ գիւղերի անուններում վերագտնել մեզ հետաքրքրող բերդերի անունները»:

Կատարեալ անհեթեթութիւն ամէն նկատումով: Պրոկոպ ասում է, որ Փարանգիոն Ճորոխի ափունքումն է, բայց պ. Սաչատրեան ուզում է, որ Վիսիկ գետահովտում լինի: Փարպեցին ասում է, որ Բողբերդ գտնւում է Բասենում, Սաչատրեանը փոխադրում է բերդը Վիսիկ գետի ափը: Եւ ի՞նչ է պատասխանում Փարպեցուն:

Արդեօք Փարպեցին սխալո՞ւմ է դնելով Բողբերդը Բասենում, խորհում է պ. Սաչատրեան, թէ՛ նոյն անունով երկու բերդ կար՝ Տայքում եւ Բասենում»:

Եւ այս կոչում է տեղագրական ուսումնասիրութիւն:

Իսկ Բարդոզոս եւ Բուլուլ գիւղերը արդեօք ինչո՞վ են յայտնի, որ մեր բանասէրի ուշադրութիւնն են գրաւել: Անձամբ տեսել է, զաղափար ունի՞ նրանց գիրքի մասին: Ո՛չ, նրանց անունները կարգացել է Հ. Սարգսեանի քարտէսի վրայ: Գոնէ ստուգե՞լ է, իրաւ այդպիսի անուններով գիւղեր կա՞ն: Դարձեալ ոչ:

Ահա Ռիխարդ Կիպերտի նշանաւոր կարտի վրայ Բարդոզոսի փոխարէն կարգացւում է Պարտոնս: Ո՞րն է ճիշդ: Ինչո՞ւ է պ. Սաչատրեան կանգ առել այդ երկուսի վրայ, քանի որ Վիսիկ գետակի հովտում կան եւ ուրիշ նման գիւղեր գուցէ եւ աւելի յարմար ամբողջային դիրքերով: Թերեւս այնտեղ ոսկեհանք կայ, որ զայթափւել է պ. Սաչատրեանին: Ոչ եւ ոչ: Լոկ լեզուագիտական հաշիւներն են որ բերել են նրան Բարդոզոս եւ Բուլուլ գիւղերի մօտ եւ